



Brahim Houla, Predsjednik Global ACI

Izjava Predsjednika

SVJETSKI DAN AKREDITACIJE 2026

**Inovacije, Povjerenje i Održivost:
Snaga Akreditacije**



Global ACI obilježava Svjetski dan akreditacije (WAD) 9. juna 2026. godine.

Ovogodišnja tema „**Inovacije, povjerenje i održivost: snaga akreditacije**“ ističe ulogu koju akreditacija i ocjenjivanje usaglašenosti imaju u omogućavanju inovacija, izgradnji povjerenja i podršci održivijoj budućnosti.

Sve organizacije suočavaju se s izazovima pri pristupu tržištima, ravnopravnom konkurisanju i dokazivanju usklađenosti sa regulatornim zahtjevima. Potrošači se, s druge strane, suočavaju s izazovom da prepoznaju da su proizvodi i usluge koje kupuju od pouzdanih i vjerodostojnih izvora, da su „prikladni za namjenu“ i da ispunjavaju zahtjeve održivosti životne sredine. Akreditacija i ocjenjivanje usaglašenosti predstavljaju provjerene alate koji omogućavaju takvo povjerenje.

Ovogodišnja tema ima za cilj da predstavi primjere kako akreditacija podržava ova tri ključna stuba, podstičući širu primjenu akreditacije u globalnoj ekonomiji. Svjetski dan akreditacije (WAD) stavlja fokus na način na koji akreditacija, uz podršku globalnog Multilateralnog sporazuma o priznavanju (MRA) koji je uspostavio Global ACI, pomaže privredi i industriji da budu konkurentne na globalnom tržištu.

Predsjednik Global ACI-ja, Brahim Houla, izjavio je: „Kako se tehnologija razvija, a očekivanja u pogledu održivosti rastu, napredak zahtijeva dokaze. Akreditacija pomaže da se osigura pouzdanost novih rješenja. Ona potvrđuje da su ispunjeni zahtjevi regulatora, pokazuje kredibilitet i uliva povjerenje potencijalnim korisnicima. Akreditacija također doprinosi povećanju interne efikasnosti i unapređenju organizacione kulture.“

Svjetski dan akreditacije 2026. godine ističe ključnu ulogu akreditacije i ocjenjivanja usaglašenosti u obezbjeđivanju da proizvodi, usluge i sistemi menadžmenta ispunjavaju priznate standarde i regulatorne zahtjeve. Taj rad omogućava da se inovacije razvijaju brže i sigurnije. On osigurava da tvrdnje o održivosti mogu izdržati provjeru, te pomaže u izgradnji povjerenja u rezultate na koje se oslanjaju regulatori, privreda i potrošači.“

Širom svijeta, akreditacija obezbjeđuje nezavisan nadzor, potvrđujući da su tijela za ocjenjivanje usaglašenosti, kao što su laboratorije, kontrolna tijela i sertifikaciona tijela, kompetentna, nepristrasna i pouzdana.

Na Svjetski dan akreditacije odajemo priznanje i zahvalnost ljudima i organizacijama koji omogućavaju ovakvo povjerenje.